



演山先生文集卷第二十五

啟

狀元及第謝啟

鄉吏獻書特為一鶚春官奏藝間在三人引造帝庭
再上千言之策拔還桂籍復先萬國之儒上辱聖恩
內慙七論竊以堂室如諸夏柱石如羣英法度者垣
墉文章者丹雘欲隆夏屋之觀美必謹工師之搜求
然後丹雘得以為文華垣墉得以為阻固天變不能
凌暴人亂不能窺窬然而材或不備則不可與防不
虞材或不嘉則不可與圖無弊是以聖人之取才也

無類聖人之育材也有方其才無氣則用之難乎有
為其言無德則取之難乎有用將致其才行則先養
其氣于剛大將致其言語則先育其德于高明使之
致思以勝其所聞則其德守天使之臧私以制其所
徇則其氣守性始有當世脩明之士能為先王輔相
之人行止在我而不在于人此道所以行富貴在德
而不在于物此德所以立讀書萬卷豈學蠹魚之死
生食祿千鍾亦同筆食之得失囂然為我幡然為君
文章足以為丹雘以其有德以立言法度足以為垣
墉以其有道以制行先王之澤衰熄後世之風陵遲
泚中之莪歸為陳根山下之泉出為行潦其德昧于
然否其氣趨于窮通言不以物來而鳴才不以事至
而運青衿不見謾嗟三月之何長白髮已生尚恨一
經之未完性命之情淪溺于陳迹口耳之孝紈紛于
異端俗有不能具之憂才有不足用之嘆方悲此屬
蠹六藝之空文何幸吾君寤千年之曲見論升以舍
作具其才行盡新書黃卷指天人之邃收殘旧書孝
青天披雲霧之深道德之統奉以兩端禮義之序弥
于萬類慶小子之有造慕壯夫之不為至使空々之
鄙夫化為濟々之多士小者大者薪之槁之昔欲求

心既幸孔門之受今茲行義又蒙唐構之收抵荷寵
灵誕膺榮幸此盖伏遇主文内翰先生闕下士類取
法儒宗淨名中閑性天下臨文軸其識如鑒以器取
人妍媸之形見笑見頰圓方之材為輪為楠乃若無
似亦皆不遺為起齋庭之一飛與透禹門之三級德
虧其望誤傳江夏之無雙策玷宸聰遽擢平津于第
一宜其柔氣以御事育德以應時慎守士規勉逆官
計上酬覆盖之德次答生成之恩過此以還未知所
措

府學解元謝啓

為道而孝則何羨乎紆朱為負而仕則何慙乎擊柝
焚膏繼晷誓窮千古之精粗裹飯候明請較一朝之
長短彼此時異行藏道同金有滿籛豈勝一經之教
子田無數畝宜思三釜之洎親南去千山西來六載
為道不為利惡求龍斷而登之趣時不趣人羞適墻
間之祭者以故難逢赫々之盛知以接泛々之道旅
無以陰相其天樂何其數窘于身謀豈謂上游亦收
片善伏惟某官其仁足以度物其智足以照人中閑
性天下臨文軸圓方之材輪楠于刃下妍媸之形笑
頰于鑑中何幸空々之鄙夫輒先濟々之多士一睨

三倍自慙未足以離羣三年一鳴願此何由而驚衆

南劍州解元謝啓

辭去何緣擬作西廡之鷺歸來亦分却為南海之鵬
行止非人所為得喪在予何累受性真直與世闊疎
謂古人所謂德者要之所得無偽乎心謂古人所謂
行者要之所行無害乎義規々俗態勿容毫髮于胸
中蕩々道情可置江河于度內方圓周士之肆邊幅
漢儒之勞雲山竹溪或浩歌而往春花秋月或大醉
以遊竟來無物引去有誰天籟自鳴何求于金石虛
舟暗觸無意于風波謂不能直情而或隱忍以私則

其有動也非情之和謂不能適性而或矯拂以偽則
其有為也非性之正上推小廉曲謹以望天下之俗
故秦之士也拘下飾姦言偽行以罔方中之人故今
之愚也詐或待屑々之末節乃詆閑々之大方伏惟
某官人器之內受而不遺心鑑之中見其所抱遠移
嚴牒登揚小材屢頌弊廡感勵後季收青衿于城闕
舒黃卷于黌堂講道南來承以多士獻書西去出于
羣英斗下夜明孤鋒艷々雲中秋靜一鶚軒々臨義
揮毫雖慙千慮之所得因風展翅且慰三年之不飛
其進疲駑以酬榮芘

賀正與監司啓

百華燈動明庭已樂于稱觴萬室春回寒谷已煩于
吹律率土雖廣歡心所同伏惟某官元善長人忠誠
許國才典時行故其政可以成物恩隨天施故其德
足以佐王兼臨兩路之人民率先以已同享三陽之
福祿本自于天拜壽無緣涖官有限

謝祭運啓

東來蓮幕纔輸三月之勞西去鸚書輒厠十負之幸
移文忽及稽德尤慙伏惟某官走筆萬言讀書千卷
道足以致主而不自以為至才足以過人而不自以

為多退託高明祭揚愚陋具負越府已垂下庇之恩
應詔舜朝預出先容之力願勵師孝康酬已知

謝判監啓

帝綸忽降于遐封天澤還沾于微品越侯幕下纔寘
于賓筵虞帝庠中遽叅于師席幸免簿書之多事擾
擾紅塵間尋簡策之微言悠悠白日造道則未具負
豈能伏惟某官處當時儒重之官抱庶士師尊之業
無倦之教則六德所祭至于六舞有造之孝則一言
所視期于九年自省迂踈安能副貳才低賈誼對言
無補于先王性懶仲舒講義有慙于諸子宜其驅策

駕下討論古先內求經學之依歸上副義方之教育

謝澶州韓諫議啓

虞帝上庠既孜孜于養善魯侯泮水又汲汲以承流
書有同文學無異趣篆刻之技壯夫不為道德之師
小子有造此澤微矣斯文殆哉龔頤以為辭章帝制
以為典禮以行己為固以徇人為通風俗已行至矣
有作景置百家之小說祭明千古之微言至讀庸行
心稍收于城闕秋聲春舞性方適于黌堂雖多科第
以招延更重藩垣之協贊伏惟某官道義足以致主
仁智足以育才出補太原雖非長倩之意招來下縣
又有文翁之風廢弊之學丹雘一新鄉往之儒書劍
交集使車後下遽馳教育之聲師席難登誤寘迂踈
之學以今之倡者可謂甚美而世之學者未知所安
聰明則溺于最高愚下則失之不及或為嵇阮之絕
物或作中韓之害人反言孔孟之可疑莫省老莊之
所致幸蒙眷之命粗道區區之懷大鳴小鳴但恐
此聲之未至半教半學且欣吾道之將成

謝賜詩表

賜臣等之第其名已顯賜臣等之服其身已榮賜燕
以盡臣之歡賜金以加臣之幸重寵數佩服難忘疊

臺宸心優隆未已俄聞星使疾驅靈囿之中忽見天
章榮照清樽之上辭掩金玉翰生風雲拜受戰兢懷
歸榮耀中謝竊念臣等下肩一介之賤內服四端之
榮未輸犬馬之勞先享雲天之樂豈意更玷仙藻益
光凡流恭惟 皇帝陛下道貫三才德通萬類忘言
而復則撲之以皇盾肆筆而書則雕之以唐文生于
汴中者則使奔為殊英出于山下者則使流為巨浸
然後形見樂育之意詠歌作成之才垂聖訓之文華
惇士風于高羨瑞光四座藹一春空之雲歡意一声
吻一平野之鹿臣等方筮以仕宜畫之紳慎守士規

勉送官計動靜後思于帝作死生誓報于天臨

謝賜燕表

唱名中禁既霑皇恩錫燕上林又將眷意誕膺榮幸
祇荷寵靈中謝恭惟 皇帝陛下常嘆才難不憂道

遠推至誠而樂典開數路以兼收堯心所宅則如輕
重之在權舜目所過則如妍媸之在鑑將欲驅馳其
行藝且先鐫刻以龍光廣推湛露之恩微及菁莪之
品敬具陰陽之和氣樂通天地之至情待之以獻主
則盞罍交飛陪之以送臣則金朱相照恩袍色動迷
芳草之依一仙籍香浮引薰風之拂一竊惟臣等之

卑賤何幸聖朝之優隆雲上于天果沾茂渥魚在于藻莫測殊歎相與盡心佩服鹿鳴之禮各思報上謳歌天保之章

演山先生文集卷第二十五

演山先生文集卷第二十六

表

論性表

臣聞聖人之職既以裁成天地長育萬物居率鬼神統制四海為大故其所孝不宜滯于離析章句辯說義理為志必有以見天地之大萬物之眾鬼神之幽四海之遠不能出吾大道之中然後其孝可以絕焉而上自天子之尊下至匹夫之賤皆有是道曾無餘欠悟在俄頃之間苟或不悟蓋雖多歲月窺陳編博古以究無窮之理譬尤捕月于水中終不可得臣謂

陛下能体此道雖其緒餘足以陶鑄堯舜臣今輒言
其端而用陛下聰明睿智俄頃之間自然頓悟默
契反本復始然後出供萬物之求無不可者章句之
義可以不講而自解事物之變可以不思而兼應孔
子曰神無方易無体一陰一陽之謂道繼之者善也
成之者性也仁者見之謂之仁智者見之謂之智百
姓日用而不知故君子之道鮮矣夫通天地萬物一
神通天地萬物一易通天地萬物一道無方之神無
体之易無乎不通無乎不由之陰陽三者混成未常
相離一切幽明之理乎其中堯舜得之以為帝文武

得之以為王仲尼得之以為聖老子得之以為仙釋
氏得之以為佛天下之人日用而不知有知之者未
必能見之有見之者未必能為之方外之士寓于形
聲動用之間以接孝者蓋祭其不知耳臣願陛下
時于萬机之暇宴坐之間遺外物我內視而反聽當
見此道非內非外無近無遠含容管攝天地之大萬
物之衆寂然不動則其孰可名俄然有感則無乎不
在誰無此者惟聖人為能不以物累形不以形累心
不以心累德其心常靜而虛常虛而明故能独体此
道以馭天下物來而應事起而辨何則萬物之情庶

事之理起于一體故也惟賢人能常齋心誠意凜雪
疏澗不使纖埃微垢有玷乎光明然後日進而休之
惟下流以物累形以形累心以心累德傷懷染污遂
至喪失與一物無以異 陛下生而知之豈待愚臣
所言然後悟然而臣幸在 陛下左右不敢默 思
所以為獻者莫先于此惟 陛下憐其志而恕其狂
妄之罪不勝幸甚取進止

辭免太常少卿表

臣頃者誤被採擢歷守二史行及一年陳述拘文不
敢思出其位時有論奏方愧無補政事之萬一復蒙
聖恩進次太常竊惟此選藝通禮樂職典天地參定
論著必資成孝如臣之愚豈足以當之所有試少卿
誥一道未敢祇授

謝除兵部侍郎表

僉奉 帝俞恩及九卿之貳特聞 天語服加三品
之章寇擢疲駑光華側陋中謝竊以武部總五兵之
政昔列中臺夏官持九伐之權今歸西府以長屬處
德之小大以權正辨資之淺深聞命既優俯躬益愧
臣謂仕貴行義故忘乎勢利孝必為忠故略乎緒餘
雖乏高明之資稍知內外之分但務窮通而送道豈

移去就以隨人義弗苟容理當順受瞻堯彩俯逮一期下典漢儀僅周三季泣職雖縻于廩秩積功何補于涓埃乃被綸言更超蘭省此蓋伏遇 皇帝陛下酬萬變以淵靜承六至以憂勤祭天光而繼明作人才而輔治薪楨皆用浮沉弗遺誤容一介之顛蒙輒率四曹之豪俊兵机不典雖無揚氏之戰功時事可言當有常生之論諫惟恐中虧于至識未能上荅于洪私無任感天荷至激切屏營之至

謝除正任兵部侍郎表

率屬貳卿愧無智術正名賜喆忝有恩光弗俟兩周

微賤遽登于法浚豈期一介光榮輒辱于宸知拜寵若驚揆才非稱中謝竊以古人之有為也趣時而不趣人君子之見用也仕道而不仕祿道合則浚而無得喪憂虞之態義在則守而無低昂觀望之心不待已則通之有權無奈何則安之有命惟知古意之可適不問時情之所趨是故名利之境位要而毀來權貴之門迹踈而謗往寧復希慕已甘退藏待罪未蒙苟容非據何幸大明之旁燭乃更弱植以重榮內省疲駑仰慙寵數此蓋伏遇 皇帝陛下運大功而造物操要術以臨人謂其偶出於殊科亦以屢更于要

路果使循常而進秩安能勸學以移風姑指三月之
常程聊示一人之春意進才能于不倦知名分之非
虛岳言未奉于明庭特蒙舜奉春信自回于寒谷豈
待鄒吹誓傾忠孝之懷期報神明之造

謝除禮部侍郎表

被誥司戎席尤未煖更書典禮命復惟新慶謝交興
恩榮繼至還顧習中之淺薄仰慙分外之光亨但益
戰兢莫知報稱中謝竊以六部之有禮其尤四時之
有春職各甚華曹務尤簡貢奉所責則慰後選之望
威儀所資則開名分之門惟寅足以業官惟清足以

燭理豈意貳卿之要任乃及承奉之微材此蓋伏遇
皇帝陛下率由舊章紹復先業質文救弊乃欲倣唐
道德同風豈容在魯節文仁義之實潤飾治功之隆
但須宗伯之能承焉用先王之難致如臣之愚誤當
三禮之副輒居四曹之先才未變通恐作越樽之祝
季雖孤陋知非祭塚之儒內著至誠上酬洪造

議北郊表

臣切謂先王之禮蓋緣人情時事而制時事不同人
情或變先王知其為禮不可期人以定論也故曰禮
雖先王未之有可以義起也三代之禮應時而造可

則因否則革要之適宜而已周以夏日至有事于北郊方是之時惟誠之為主惟質之為貴其戎路也未聞有今日之兵衛其告廟也未聞有今日之肆赦告廟朝饗登樓肆赦惟厥二事最煩且勞臣謂王者之事天地當有隆殺今日苟用南郊之歲北郊攝事北郊之歲亦親有事于天則以宿廟朝饗登樓肆赦諸軍之賞百官之賜歸于南郊之時不為之北郊奏告必簡其禮兩宿于殿一宿于郊時其祭服節其儀物庶乎其可也不然必以五月之炎熾而詳為是三者則恐介冑軍帥法衣文武流汗浹背誠意倦怠驟雨

俄至忽遽失所誠非人情所安切恐北郊之禮一舉而遂廢則復為合祭矣苟為合祭之無義不若以義起禮而用孟冬之愈也何謂以義起禮臣謂冬日至一陽方生天德用事所以報天夏日至一陰方生地德用事所以報地此其先王用二至之義歟苟謂盛夏之月必難親祠則惟十月之義足以代之故說曰十一月天典萬物造始之時也宜大報天十月地典天代終之時也宜大報地方是之時天氣上騰則不復事矣地氣下降則代有終焉昊天有成命二郊同歌一詩之辭不言地蓋天無成而代有終者地之道

也地不敢有其功而歸之天焉故也十月之用既不
失義而其用八變為數用函鍾為宮其地用下其壇
用方其牲用黝其管用孫竹其舞用咸池其瘞用泰
折一切象類與夏至無以異然則合祭豈足以議此
哉何謂合祭無義祭地之禮形色名聲皆用天類特
使地逆祀耳地祇安得而至哉是未嘗祭地也故曰
合祭可罷孟冬可用或謂臣曰唐用孟冬有事于神
州今以之祭大示不亦異乎臣曰大示之有神州尤
昊天有五帝以孟冬祭大示使之逆祀可也安用
獨祭哉謂臣曰孟冬之祭地不見于經果可用乎臣

曰用夏日至禮也用孟冬義也以義而節文即所謂
禮何必見于經而後用哉用孟冬而無義則與正月
北郊十一月合祭復何難為非臣所論也或謂臣曰
十月祭地十一月祭天先地而後天古無是禮臣曰
夏至日祭地冬至日祀天是果先天而後地乎祭時
惟義之所在不問其先後恭惟神考祇事天明講
明千古之漏典未之及行以俟今日陛下長慮祭
于淵靜之中責其可行恐其或廢故容群論曲折送
宜不必執一愚臣輒謂夏日至苟不可親祠則惟十
月尤有起祀之義可以進焉以備陛下之採擇干

瀆聖聽惶恐待罪

乞外郡第三表

恩未蒙于俞旨義有愧于私心幸逢上圣之包含
容有小臣之冒瀆然省己蓋存于去就奏言遂至于
再三雖叨九列之恩榮何補四方之風俗况臣徘徊
京局偶玷八遷荏苒歲華忽逾一紀白頭兄嫂海角
相望筭冠滿前婚姻事起补方窮于挂玉寵有望于
旌麾不揆妄陳庶幾必得三刀作夢雖向湖山四海
為家豈離雲日伏望聖慈再賜俞允

謝除穎昌府表

五章上達屢瀆天威一節下臨特承眷旨權領近藩
之重職加延閣之華聞命雖榮省躬惟愧申謝永惟
微臣今日之遇爰自神考昔時之知因緣接武于
禁途荏苒年于省闈以徇物則失道故其季不為利
名而用捨以趁人則失已故其氣不為權貴而低昂是
以利名之地居易而樂生權貴之門取踈而聞至雖
負神考之顧遇尤念古人之行藏况適病以妨賢
兼緣親而避貴故瀆天聽願臨郡封伏惟皇帝陛下
至德兼容大明旁燭聚謀而為善故不遺乎愚智
合羣情而為公故不間乎親踈吁俞常出于無心矜

察重違其有請幸領頒宣之任難忘化育之恩廣漢
之得事情用當尚恕延壽之依古禮行必從宜內策
疲駑上酬神造

謝除知青州表

舜建牧以分州周辨方而同利始號東秦之奧壤復
更北海之雄都斥大封疆廣引諸公之士并吞海岱
遠臨八郡之權共民蓋杞以賢才報政豈容于霸術
責撫綏而尤重荷付畀以非輕中謝頑鈍晚成直方
寡典分也甘于貧賤時幸遇于亨嘉奚補攸司費中
臺之日月乃如所欲領東夏之旌麾此蓋伏遇 皇

帝陛下以仁德守成以孝思繼志爰念 元豐之造
士弗棄 秦陵之送官名正上卿恩留內服更膺出
守之禮命仍拜往諧之訓辭入境覩風平易必先于
政教下車頒詔富饒當本于農桑中勵駑材上酬洪
造

謝賜曆日表

史官推步允協天行藩郡布宣欽承詔示中謝竊惟
萬化散殊自冥罔而造五行終始由元本而分月有
小大之期時有長短之刻理有衰盛數有吉凶生乎
二十四氣之變更存乎三百六旬之周復明法既定

大端可推故先王造曆于歲終惟庶局授時于春首
妙算不差于毫髮逆知乃得于璣衡此蓋伏遇 皇
帝陛下推黃策以迎祥行夏時而頒朔天地失宜則
為之輔相陰陽錯行則為之裁成拜賜光榮推行兢
業當令人事避害而就利仍與天時致和而去乖其
効微勞以酬洪造

謝賜 神宗皇帝御集表

國史移文旁逮侯藩之遠宸衷傳旨仰膺御集之新
何殊堯典之文章乃嘆 神宗之述作篆曉香而拜
賜滌塵慮以開緘雲漢昭明河圖煥爛訓示千古榮

生四方中謝恭惟 神宗皇帝奉本六經治超兩漢
無情應物運乎精神者一十九年有義建功存乎篇
章者八十八策雖去道揆尤為緒餘文思之生自乎
杳々冥々体要之立歸乎浩々噩々秘以篋笥傳之
子孫恭惟 皇帝陛下孝欲廣聲孝懷貽典深惜一
言之散失旁求百辟之收藏遂致成書已名延閣莫
能測海休誇金鑑之文曾辱賜詩如見瓊林之使畏
高明而百過究微妙以三思雖默々以懷恩但區々
而望至

賀元旦表

三陽祐德之初辰萬寶逢春之始旦奉是盛禮會于
大庭東備藩垣徒跋魁杓之下北瞻卿士難陪儀衛
之中思欲飛馳喜送拊躍中賀恭惟 皇帝陛下篤
孝思而繼統謹禮文而守成朝色晦明佩聲登降周
詢風俗同出一家交上圖書坐觀四海曾拜壽觴而
共慶尚懷天語之同休上下雅音想見清都之宮殿
往來法服夢遊太古之門庭就堯日以形留恭虞賓
之贄賀一云未能近綴于虞賓且幸遠瞻于堯日

太后受冊賀 皇帝表

寶冊具陳肇稱盛禮鴻名允正式契羣情凡在照臨

率皆舞蹈中賀恭惟 皇帝陛下道隆今古德貫天
人續七聖之鴻圖膺萬年之寶曆念付託既承於
哲聖携持乃自于元符天下歸仁雖著謳歌之美禁
中定冊實推贊助之勞恩既極于難酬義必期于有
稱因心則友用殫昭報之誠制禮有儀曲尽尊崇之
典益顯曾沙之慶永嚴長信之居命渙九重欣交六
服臣備負法逆遠跡藩維仰望天庭莫覩上儀之奉
伏膺詔旨惟均庶類之懽

賀太后受冊表 劉

寶冊具陳肇稱于盛禮鴻名允正式契于羣情凡在

照臨悉送鼓舞中賀恭惟 太后殿下懿柔毓德仁
儉敦風日月齊明早儂 哲皇之聖熊、應兆繼鍾
越國之祥廣陰教于六宮播徽音于四海暨聖神纂
國之始有廉幃定策之勲道既協于姜任位宜隆于
馬鄧因心則友用殫昭報之誠惟帝念功益畫襲崇
之典丕顯曾沙之慶永嚴長信之居命煥九重歡交
六服臣備負法送遠跡藩維莫獲觀光第勞頌德

演山先生文集卷第二十六

演山先生文集卷第二十七

表

賀復湟州表

繼志事者莫先乎成能續基圖者尤戒乎蹙國俄聞
詔旨再收河湟遂振德威旁怖夷狄中賀臣聞在昔
漢唐之旧境乃今羗胡之遐陬自天宝盜據者凡三
百年至 裕陵思復者盖十九載 哲宗神断而往
取戎王誠服以招來方欣犬馬之羣已叅冠帶之俗
恭惟 皇帝陛下神武行于不殺道化通于無形述
先志之未遑追成功于既廢取弗血刃期于淹隴右

掃除已起秦人之煙火
闕東舞蹈空思魏闕之班聯
賀五星循軌表

元英垂象杳々難謀
睿德通神昭々易感
果聞臺上在衡之史
俄奏天中循軌之星
迹遐歡呼夷夏瞻仰
中賀臣聞惟元氣混而為一物
在天道散而為五星或視治亂而為妖祥
或緣得失而為逆順
今既不差于度數
茲乃有符于聖神
迭播四時曲成萬物
替瑤圖于有永
兆眷筭之無窮
顯相自天
靈承惟聖恭惟
皇帝陛下奉三無而寅畏
通九有以中和
民望堯天
因齊聖政
連珠環極而無陵犯之道
同晷昭德而有
盈縮之時
作協氣以橫流
間靈光而下照
百官稱壽
遙思日下之班
萬國向明
俯唱海邊之俗

賀德音表

熙事告成
神灵底豫
鴻恩俯暢
華夏交欣
凡預照臨
皆聞鼓舞
中賀恭惟
皇帝陛下
自天縱孝
由生知
遵制揚功
蓋盡丕顯
丕承之美
慎終追遠
致茲克禋
克祀之誠
當西宮祇見之初
乃大政惟新之日
爰敷眷渥
式闡先猷
受福無疆
與民更始
好生育物
豈惟流澤于一時
教愛因親
抑又可移于四海
臣誤領承宣之任
幸逢熙洽之期
繫跡齊邦
空想充庭之路
驚

游心魏闕但思向日之葵

又表

內殿寧親已記告成之禮中臺飛牒遂推報本之恩
遠迹交歡人神均慶中賀恭惟 皇帝陛下嗣復實
資于舜孝撫綏良出于堯仁祖述大猷率循前聖時
瞻天目之表日閱圖書之文棲託未嚴規模尚陋惟
致工巧可舒孝思結飾增隆經營益壯奉晬儀之淵
嘿即寶宇之光華 神考方安似樂作紫微之所物
華將遂如雷行青帝之時其令衆愆皆革乎私心以
示餘澤尤被乎後世仰惟報德之眷意俯作望雲之

頌聲

賀復鄴州表

詰尔戎兵進分三道念我土宇收復五城昔典今還
何煩血刃始抚終附更致壺漿瞻仰皇威懽欣輿議
中賀恭惟 皇帝陛下以孝循堯道以德廣文声方
圖日闢之功乃選鷹揚之帥揚塵西去氣吞隴右之
殘羗拓地東歸圖上湟中之故壤薄華夷而共慶跋
威愛之兼行萬里捷書雖喜龍庭之報百僚賀表徒
思鳳闕之班

謝除知庐州表

九郡為連既領齊藩之符節三年易守復持楚部之
旌麾拜命若驚撫躬何幸即趨淮右道不出于都門
益遠天中夢徒飛于象闕中謝粵惟庠子之啓土爰
自秦人之作州晉魏之時其為鎮甚重吳越之俗其
為風略同潛直斗星之六度屹起金城之四圍庭少
造辭鼓鍾可樂壘多滯穗蝗盜何憂善最易修恩榮
難報恭惟 皇帝陛下以獨斷宅萬事之統以庶務
器四科之賢內有公卿汝為汝翼外有山嶽牧于藩于
宣乃屈大邦更崇小智始以有懷而得請仰荷宸私
今其無術以承流俛思帝訓明茂者輔翼之以義理

勁躁者節文之以中和其罄淺能以酬洪造

謝除知鄆州表

恩出天中誥移汶上六旬頒詔遂違淮右之諸侯九
郡作藩已撫山東之兩路中謝在昔皆歸于充域至
今復送于榆林廣居魯國之旧封峻接泰山之巨鎮
雄起兵民之盛富資林藪之饒何幸淺知乃膺重寄
恭惟 皇帝陛下運至神而不測推大德以無私遠
近兼收而浮沉者弗遺取捨獨斷而邪正者已判以
神考擢處甲科之士以 哲宗引居法從之七年委
曲保全始終持挈取其心迹匪他之小器付以民物

甚繁之大州永惟循吏之流風必施于政允紹先王之遺化復作其民式報洪私益悖未卒

謝宮觀表

考言章之敷奏宜竄遐荒荷聖德之寬容尚留真字
中謝惟臣微起孤生榮升禁廷出佩諸侯之印坐持
連帥之符頒詔十行蒙恩三載事嘆人言之可畏福
訟已求之不周更復何云姑陳所幸素抱尋真之志
方懷遺累之謀未獲因緣乃何幸會許回頭于紛擾
容竊祿于優閒恭惟 皇帝陛下日月照臨乾坤覆
載當擬遐遺之士尚詔兼愛之仁華以天章優之月
廩供職湖山之境棲神仙聖之宮一篆香清獨上朝
元之殿閣萬緣念寂誰攀應世之衣冠但思因極之
恩宜祝無疆之壽

謝贖金表

始恕前愆尚留道館再陳餘累祇屈金刑宛轉恩臨
重荷乾坤之覆載優游官守密移洞府之光陰齋引
天香念緣帝渥中謝恭惟 皇帝陛下以中行之惠
敷及踈遠以旁燭之明格知幽深責弗求周過惟泛
宥雖號淺末亦蒙撫存法既用廉雖悔莫追于一失
德將欲報惟誠可仰于三無長守右銘毋忘中佩

賀廣西路奏溪洞納土表

莫測中天潛運懷柔之道化果間南帥具陳獻納之
垂封宸殿拜章衆隨班賀琳宮望聖獨與心言不必
兵師遂能辟國數百年之隔絕幾萬里以來歸越在
熙朝實為盛事中賀恭惟 皇帝陛下允文允武旁
暨遐陬乃聖乃神丕承先烈故夜即特牲之入土如
青海積石之來王有感必通無遠弗届數要悉登于
地志富矣方輸语音咸諭于王言善哉夏變第限洞
霄之睽阻徒瞻天闕以摧呼

賀日月交不蝕表

渾天占象得交會之嘉祥宸殿拜章仰休明之盛德
奉萬年而稱慶率四海以觀光間散微生欢呼盛旦
中賀惟日月往來于晝夜故乾坤變化于春秋時以
氣交晦而体合潛布粹序密移衆多然其泛畧之有
短長所以循度而有南北或入蝕限乃干曆書雖以
相過而不凌尤之各行而無忒盖有所感遂泛弗違
恭惟 皇帝陛下誠協二儀仁周四海中環輔佐之
至德外列贊襄之賢明故致天文亦符治象道雖同
而非肯壤既見以何傷克用善良無周王之辛卯益
加寅畏有唐帝之開元是必告祥尤宜歸美適守琳

宮之職徒瞻金闕之班

謝轉朝奉大夫表

事功及考帝告來頌眷意降綸但祇所訓間更兩載
獲依祠館之煙霞榮陟一堦幸用禁林之日月自顧
微生之孤立何當盛德之兼容中謝此蓋伏遇 皇
帝陛下以堯仁溥愛于多方以舜智泛現于庶類不
以人非而遂棄不以自貽而不收雖係罷休尚泛叙
進謝恩北望徒思天闕之班聯祝聖東遊惟懇洞霄
之仙聖

謝再任宮觀表

三載告周將違道館一封得請復荷皇恩慎有官箴
間無吏責愧徒縻于廩秩省何補于公私舍眷弗遺
懷藏固極中謝此者伏遇 皇帝陛下以至仁兼愛
乎遠近以大智旁觀乎智愚心新植適宜浮沉具載頌
維一介之可棄謂亦三朝之所收以故禁直增華真
遊絕異忠誠易感尚存魏闕之心造化難酬但仰堯
天之日

皇后受冊賀 皇帝表

飛龍在御于昭乾德之光寶冊揚廷允正坤儀之位
禮行宮掖慶浹寰區中賀竊以有為之君比資內助

之德墮降于媯汭皇英成虞舜之勲來嬪于周京姪
如輔昌岐之業恭惟 皇帝陛下席太平之運体上
圣之資登政施仁澤維覃于萬宇齊家治國化必首
于六宮消盛夏之吉辰奉長秋之備典自天作合昔
占沙麓之祥申命用休今極椒房之貴永隆萬世之
本茂對三灵之歡臣叨列送班欣逢盛事偕四方而
來賀雖阻進趨祝萬壽以無疆但知鼓舞

賀天寧節表

大時默運九乾開弥月之祥上圣篤生四海祝參天
之寿中賀竊以數能總物出臨水旺之鄉道可羣人
生值乾居之所果得大智能安庶民電遶宝樞虹流
華渚恭惟 皇帝陛下兼愛之仁並乎堯舜混成之
物同乎羲軒百蛮就日以覲雲九譯梯山而航海仰
祝南山之固遥瞻北極之尊方當守職于琳宮未獲
奉觴于金殿

謝除知福州表

引南國之旌麾初臨民社歧中天之雲日深荷恩榮
重握兵鈴顯居民表當審操修之術庶堪付畀之權
中謝仰惟 皇帝陛下道世會通至能微顯堯文訓
士常規雲漢之為章周制因時每味眷思之作則詳

宣德意率屬以先周布昭條承流而下帥提由義旁
連一路之州鄉鎮撫思仁中樂三山之形勢寵任唐
堯之牧慙虧黃霸之能其策疲駑以禪神化

演山先生文集卷第二十七

演山先生文集卷第二十八

表

謝賜貢舉勅令表

聖神籲俊肇新貢士之規郡國承流幸拜成書之賜
中謝伏以自古在昔奉賢與能蓋將圖輔世長民之
功故必嚴循名責實之法既因時而損益亦視道之
汗隆適丁甚盛之期式備不刊之典恭惟 皇帝陛
下多能天縱盛德日新昭回之文斧藻萬物淵懿之
孝表章六經首善京師化成天下念 神考選才之
制資成周致治之方遂推善述之心爰下增修之詔

參稽載籍敷繹舊章條目纖微慮無遺策規模闊遠
奉必要終臣貢自先朝擢多士微生遭遇明恩已愧
于難酬嗣聖緝熙成訓復叨于寵錫退惟幸會重積
兢榮奉以傳家敢怠為儒之業勤于勸駕庶逃曠職
之愆

謝賜曆日表

舜璣觀象察四序之變通堯曆授時示三農之早晚
廣宣寵命敷錫多方中謝竊以九會復元積數起周
天之運六觚為握考時推成歲之宜蓋預課于清臺
遂迎頒于率土恭惟皇帝陛下德合乾坤之覆載

明齊日月之照臨總百聖之豐規新萬年之大紀今
將更布輔成泰道之亨仁不遐遺寇及災隄之守臣
敢不仰遵睿訓俯遵農時俾知稼穡之期率躋富壽
之域

又表

寬書誕布將開獻歲之儀新曆迎頒蓋謹先天之令
宥靈斯至歡抃交深中謝竊以軒策迎長首四時而
布度舜璣觀象齊七政以當天分纏離啓閉之微次
弦望晦明之序法皆原子聖作理實重于農時究觀
歷代之豐規屬我奉元之大統精研祭歛獨高南正

之先雜候變通不在北平之下况廣陶于聲教宜均
被于幅員恭惟 皇帝陛下廓日月之重光合乾坤
之大德翼而申命恩靈溥達于中區革以明時節令
一新于嗣歲臣敢不仰遵聖訓恭授人時撫千里之
封疆生成備悉勸三農之稼穡早晚周知誓殫頒布
之誠仰荅裁成之造

謝賜五祀新儀表

樂為告功已備八音之奏治緣明教又觀五祀之文
頒賜既榮推行宜敏中謝竊以天理自存其物則人
倫孰久于情文先王明其物則而為之儀因其情文

而為之制是故其制雖嚴而難犯其儀雖多而易行
柰緣衰亂之末流遂失詳明之大意奢儉踰節僭差
失中幸逢元后之聖神能積歷年之德澤雖務釐正
尚期集成恭惟 皇帝陛下基圖承萬世之休事業
追三代之盛以古為宗則以道為本以俗為鑒則以
時為權紹聖臨軒曾詢俊造之士政和繼志方選討
論之官相時之變通沿情而附削收斂遺逸補正殘
餘斷以天心裁之宸翰今自義起古隨意存做舜以
修豈憚五年之數望周而繼何妨百世之遙

貴妃受冊賀 皇帝表

寵出宸衷春歸邦媛陰贊六宮之內治顯處四妃之首班備舉彝章誕揚寶冊歡慶方傳于寰宇華光已照于宮闈中賀恭惟 皇帝陛下論天下之治則本乎意身叙官中之聯則風乎邦國乃眷求于婦德將密補于坤儀淑哲得人尊榮亞后女功留志不辭飾絡之衣帝子應時已作熊羆之夢惟臣式守承宣之節難趁舞蹈之庭默感微情遙思盛禮

賀燕樂表

樂府更修咸備八音之美政庭按試悉收萬物之和文以中聲頌于烈郡宣一人之眷意通四海之歡心

中賀竊以雅頌大成聖神高致蓋非一日之能積是必百年而後興累聖繼承歷朝因革鄭衛不作觀和有為恭惟 皇帝陛下聖翼以能法根于道超則侔天而淵默乎言意之表俯則應世而優游乎名教之間泛歌天地之呈祥兼播帝王之崇德具五爲而不欠散六感以無滯部下審音已失遠夷之器堂中侑食如臨太古之庭朝野感通人神欣抃

賀天寧節表

道既還元正在乾居之月數能總衆適當水旺之時康濟蒸民上天留意篤生元后下國依仁瑞色橫空

仰北斗遠樞之電歡聲動衆擁南山祝壽之人式憑
大覺之勝因庶結長生之妙果前期一月俯徇萬靈
讚揚惟保于蘿圖吟詠已窮于具葉恭惟 皇帝陛
下永協周卜高攀舜遊來為未宗顯々持盈之主如
升如至致々歸美之臣惟臣睽遠闕庭承宣海徼率
先七郡欣隨漢嶽之三呼想見兩班祇服堯堦之百
拜共表緝熙之功德以塵淵默之聖神

又表

孟冬浹日兩儀開八葉之祥炎曆良辰一聖應萬年
之會虹流華渚電遶寶樞果有真人克持盛世九譯

梯山而航海百蠻就日以占雲樂見士民恭聞釋老
已演秘密七俱胝之旨乃贊祇耶三大劫之修恭惟
皇帝陛下道等羲軒仁肩堯舜幹旋乾蓋以庇人寰
發越雲章以明世務天人協意維持北極之尊責夏
交驩瞻仰南山之固惟臣雖任承宣之職尚拘踈遠
之邦率屬惟先兢作山呼之拜瞻天非遠獨思星拱
之聯

賀陽德觀瑞竹表

脩竹未栽偶勞暮念至神已感遽引芳根豈惟上下
之同流乃見天人之相與中賀恭惟 皇帝陛下造

化在手本根自天梯航之蠻弗期而自至儀唱之俗
不令以胥然萬寶誰尸百嘉或使歲次政和之夏駕
臨陽德之宮餘景雖佳此君未秀碧桃溪上方聞
天子之音丹鳳林中已協羽人之夢五百未離于天
囿三千已產于龍孫豈在人為實惟神化猗々有相
尤可比于封侯蕩々無名又安知于帝力

賀嘉瑞殿進蓮表

殿踰七紀昔薦嘉祥蓮產一枝今如舊物示厥累聖
同根而連實譬諸殊芳共幹以駢華中賀恭惟 皇
帝陛下聖神潛運于三才中和旁育乎萬類無遠不

屆有開必先圭含內赤之真陽日現下承之靈氣青
嶺瑪瑙大和水精木字天書金花地湧有是非常之
物實為甚盛之朝更僚瑤池並垂仙賒瀟湘風靜比
肩鼓瑟之娥英河漢日明携手渡橋之牛女何異隻
頭之摧秀乃明一揆以承休天瑞遽呈不俟東封之
後臣心欣賀莫知北面之遙

謝賜元圭批荅表

臣某言准都進奏院遞到禮部雕印 御製御華元
圭批荅并羣臣議及考驗狀共五冊賜臣者則天體
道堯莫能名制器告功禹惟不伐中抱一源之真火

外環四鎮之灵山其孰主張以更久遠託跡暗窺于
唐漢待時潛望于犧軒果會真人克揚神物中謝恭
惟 皇帝陛下超百王而制法本三代以超時裁天
地之生成相陰陽之造化乃得珍符之大亦存至道
之微体用輝光質文并舍方當四海混同之日况值
一陽來復之朝時合顯以難逃人欲藏而莫得按古
文而並契繼寶鼎以爭光 祇往路朝顯膺天命積三
千歲可昇其誥傳億萬年自今以始付之黎獻講以
高言方鏤成書乃頒列土 秘藏篋笥已增拒穀之光
披玩規模如滄雲雷之澤

皇太子受冊賀

皇帝表

恩入東宮已拜建儲之制赦行下國遂生遷善之心
登長子之元良舉阼階之盛禮慰華夷之視聽安宗
社之本根山亦同呼雷方作解中賀恭惟 皇帝陛
下密受三天之付畀顯膺一氣之生成玉葉繁昌仙
源宏遠茂積誥之慶潛開繼之祥少海含容方
見衲川之量前星光彩已餘燭物之輝聞見無邪撫
監有託既進師承之三善宜釋民罹之百非衆協一
聲皆賀重光之在日獄空四海並歌生德之無刑

賀皇太子受冊命表

赦行下國俄聞沛德之書喜報東朝已拜建儲之制
慰華夷之視聽安宗社之本根望重恭欽聞增欣抃
中賀恭惟 皇太子殿下離龍樓而奉詔還鶴禁以
承休入有保而出有師聞正言而見正事無怠寢門
之問有勞賢苑之思蘭殿尚新桂宮已麗前星在上
自露照臨之光少陽方中正舍發育之德尚係海邦
之守未詣朝路之瞻謹奉牋稱賀

賀諸州軍祥瑞表

帝德難明正一心而有感化工莫測華萬物以無為
高下志通崇卑氣合願此洪纖之呈瑞出彼幽明而

應誠

中賀恭惟

皇帝陛下四海依歸三天付託惠

浹鰥寡恩周鬼神混合天人之兩途舍孕陰陽之一
氣覆蓋之內蒸作冲和動植之間發為奇巧地報寒
泉之湧醴林喧甘露之凝珠龜目何多鵲翎尤潔花
雙頭而吐艷木連理以垂陰朱草舍輝紫芝壘秀遽
見竹筍之並長屢傳麥穎之同生方駭臣聞已繼問
門之舞蹈特留天視又增史筆之光華祝萬壽以開
先服九垓而求遠

天寧節進引銀表

聖應時生世有接隆之運銀泛山溢地無愛寶之心

遙仰天光遠亮庭宵堅剛獻壽吞兩耀之精華潔白
將誠舍五金之純粹庶効封人之勤祝以伸藩守之
欽承

謝除龍圖閣學士表

逸傳金字知非世上之文書劄帶玉音感自御前之
恩意重升華而加重再均選以增榮乃省餘生何當
眷眷中謝伏遇 皇帝陛下發千載真文之蒙蔽明
三天上德之精微以歸狂迷以浚淺末道念潛及室
者既通神化密移復者斯作故使踈遠亦加選掄海
上承流已度六暮之後天中垂賜更崇五閣之先但

愧微才曷酬洪造

演山先生文集卷二十九

疏

天寧節功德疏

龍飛雲逆既叶一人之慶聖作物觀咸傾四海之心
載憑願力之無邊用祝昌期之有永恭惟 皇帝陛下
下聖自天縱德偕日新嗣寶曆之明昌克繩祖武端
小心而寅畏戎享神休虔茲具葉之誠默贊蘿圖之茂
伏願 皇帝陛下明同箕翼固崗陵壽一萬春契唐
人之歌詠卜三十世符周曆之綿長巨遠遠闕庭承
宣海岱莫陪禁逆望八彩于堯堦惟與吏民助三呼

于漢嶽

又疏

圓穹為社天開長祭之祥寰宇傾心咸薦誕彌之月
謹伸誠悃虔叩寶坊載憑願力之無邊仰祝遐齡之
有永恭惟 皇帝陛下運膺千載之會道冠百王之
前体天德而出寧羣生自遂建皇極而守正多福並
臻 皇帝陛下伏願下世之期上天固極垂衣而治
如日之升四海九州永賴一人之有慶南山北斗共
伸萬壽之無疆

又疏

真仙誕降當立子生商之辰海寓均歡罄封人祝堯
之意仰憑茲力申頌壽祺恭惟 皇帝陛下撫盈成
之期植于持守躬紹述之孝通于神明措天下于泰
山之安躋斯民于仁壽之域 皇帝陛下伏願三靈
擁祐十力證知室祚弥昌丕固永固松筠共茂前膺
睿筭之無窮日月齊明更祝後天之難老

又疏

大覺寶文潛結無窮之妙果長生秘錄密藏不測之
殊因讚歎歡忭誦通懇惻達神明而有感建功德之
無為以奉一人其延萬歲伏願 皇帝陛下大受海

內大明日昇道成性以存、德宜民而顯、是故不
滅者佛以維以持不墮者仙以引以翼豈惟三十之
盛世况逢千一之至人斗下靈樞夜驚電繞林中聞
職曉伴山呼既獲燈明當能保佑

聖節功德疏

四海傾心祇候生高之旦萬齡獻壽競形歸舜之歌
默資道力之無邊顯贊帝圖之有永以聖繼聖既新
又新恭惟 皇帝陛下德冠百王運膺千載建皇極
而守正衆福同歸体天德以出宣羣生遂紹述之孝
感通明神持守之能跨越今古宜享羣真之致祐更

冀諸天之燈知

同天節功德疏

帝既生商天方與啓聖母彌月出應四方之緣火權
盛時來乘千載之運天日之表神明之容何福不膺
有生皆遂裳等荷覆載無私之德含尊親罔極之恩
願憑大覓之勝因庶贊至仁之遐筭祇行百拜之禮
近祝南山歡捧萬年之觴遐瞻北極

聖節開啓疏右語

右臣等伏以圓穹荐祉大闢長登之祥寰宇傾心咸
薦誕弥之日敬申誠悃虔叩宝坊載憑願力之無邊

仰祝遐齡之有永恭惟 皇帝陛下運膺千載之會
道冠百王之前体天德而出宣羣生自遂建皇極而
守正多福並臻 皇帝陛下伏願卜世之期上天罔
極垂衣而治如日之升四海九州永賴一人之有慶
南山北斗共期萬壽之無疆

忠獻令公功德疏

岳神何往一歸丹府以難尋瀝馬既鳴三對薰風而
有感因屆外除之日用伸中動之情伏惟某官十載
鈞衡人受其賜兩朝勲策天與之符令德可稱曰韓
曰范靈氣所孕匪甫匪申志輕華袞之榮体勝丘山
之重儒生感舊誰求請畢之言虜主追亡應展窈圖
之像

真如開堂疏

佛祖悟命机之妙而神氣精為之根修性德之要而
定等覺為之本及其根本已混非有非無體用既冥
無內無外弗在言句是為如來掃鬼窟之生涯震雷
門之聲韻以謂客塵之中誰可出世教法之外別當
授人愍惻羣迷乃垂禪學于萬世收藏獨見且演性
宗于一門法身固出于色身竟海亦資于學海其奉
十二時之日用以開三千界之管窺度幾悟真而自

成何乃執幻而獨是若云師吼未離精魂雖脫輪迴
猶是意識輒擬九成以小解方悲上德之下衰故須
舉知聊用援溺某人長老東林之賢嗣南禪之後遊
雲行四方心迹任道壁立萬仞機鋒向人乃奉上乘
之妙緣况在中齋之勝境用率士民之衆薰承道義
之尊願行接引以敷揚庶使依歸而承聽

東禪開堂疏

西來祖意直指人心南學禪宗正傳法眼去古滋遠
當仁愈難爭推作者家風罕識本來面目欲悟大衆
必求智慧之師要鎮名山宜洋孤高之士真禿禪師

學造微妙行歸靜深衆所共推身難獨善况東禪之
勝境乃長樂之雄蓋宜徇輿情遠臨祖席行雲出岫
本自信于無心流水盈科亦隨緣而有利勉乘枉渡
未震雷音上酬詔旨之恩仰祝聖君之壽

西峯開堂疏

迦葉拈花世尊為之啓齒寒山撫掌拾得于焉點頭
不落言詮自超正覺厥後支分派別想變體殊坐斷
聖凡猶滯半途之趣雙行棒喝親獲向上之机謂之
宗風名曰出世允能上人談鋒穎悟戒迹孤高印可
世于芳公禪師衣受度乎圓照大士維長樂之精刹

矧西峯之上藍實古道場久虛法席衆望所屬堂仁
勿辭即期象駕之進途無慮螳螂之拒轍敷揚祖意
上報 國恩

廣因開堂疏

萬物本無靜根衆生皆有覺性迷迭多劫磨幾河沙
悟在片言一彈指頃無諸樂境廣因淨緣祥公上人
以心傳心是法非法欲引無邊性海悉趨不二法源
莫開方便門曷指圓通路今日之意諸祖同風無盡
香焚四象圍繞第一義諦請師奉揚

廬山開堂疏

談禪之士或有言而見掃遽云邊畔之未起或以無
言而見嗤輒謂机鋒之不峻既蹈見聞之一曲遂淪
空色之兩途不知言則道之用行而體不全默則道
之體正而用不顯語默動靜不當偏廢體用有無未
常相離云々者汗漫乎有鄉寂々者莽蕩乎無境維
悟精魂之具足弗思金鑛之交加秘密未聞安用磨
埤而作鏡塵凡不濯莫知消鑛以為金執意會以為
圓通認性見以為究竟惟恃十談之轉影寧窺千聖
之通神流落頑空徒回活計孰悟大道獨聞上人建一
物之渾淪應如人望度九年之還返靜與天行有處

常無默時尤說大塊噫氣天籟俄聞小樸舍空須弥
安在斯道將振何人可承份師長老受言如愚知性
若視已脫方中之習更膺教外之傳付以名山接諸
初地江湖離世將為船子之棲真鍾鼓升堂且作封
人之祝聖

淨土開堂疏

西意既乘南禪遂振其教有內外其法有顯藏由禪
而出以應物則轉換風力枝派言句此教中之事乃
法之緒餘由禪而入以立道則絕滅緣念掃除言說
此教外之事乃法之本根然而內外一貫精粗兩途

坐禪而立道者希談禪而應物者衆以有機鋒為事
業以無脫縛為真如未暇真修祇云徃見徒矜轉影
之十說莫悟隨方之一珠內外弗明精麁尚惑某人
長老祖師之後嗣真人之遠孫掛錫闕山德名獨著
傳衣吳鄙道室重開當開堂上之雷鳴弗作穴中之
孤嘯天香一缕仰戴宸恩家慶千祥旁歸郡政其勤
朝暮之修以副崇卑之願

堅尼師開堂疏

心獨為宗包羅萬象人誰作佛接引羣生實性乃佛
性之源空身即法身之樸修證者寡類落頑空汚染

者多卒沉幻色况彼女者在茲世間難向道起易隨
物轉幸蒙眷旨特建叢林揀擇高明分揮微妙奉無
上道得比丘尼堅師長老稟秀閩山棲真吳地悟禪
談而宿契滅愛緣而再來非陰非陽僧尼莫辨是空
是色世佛何殊豈在人乎本來自爾應物以此捨師
而誰萬壽報恩勤引天香之一篆十談轉影潛開佛
印之三乘當與證明願聞奉唱

演山先生文集卷第二十九



